

اؤزبېک تېلی نینگ تورکي تیللر آره سیده توتگن اؤرنی

نور الله آلتای

پوهنوال، اوزبېک تېلی و ادبیاتی بولیمی، اجتماعی بیلیملر بیلیم اوی، جوزجان بیلیم یورتی، شبرغان، افغانستان.

<https://orcid.org/0009-0008-8413-4247> - noorullah.alty@ju.edu.af

<https://doi.org/10.69892/jawzjanaan.2024.44>

(تاریخ دریافت: ۱۴۰۴/۱/۲۶ - تاریخ پذیرش: ۱۴۰۴/۲/۲۱)

قیسقرتمه

اوشبو مقاله ده افغانستان اؤزبېک ضیالیلری تامانیدن اجتماعی ترماقلرده بیلیم - بیلیمسدن «بیز اؤزبېک اېمسمیز - تورکميز، تیلیمیز اؤزبېک تیلی اېمس، تورک تیلی دیر» قبیله ده گی فکرلر نینگ اؤرتنه گه تشلنیشی حاضرگی کونده هم علمی، هم عملی تاماندن خطا و ناممکن اېکن لیگی تورلی معتبر ادبیاتلرگه سویه نیلگن حالده تحلیل قیلیندی. تاریخی نقطه نظر دن حاضرگی تورکي خلقلر نینگ مشترک تیلی بؤلگن قدیمگی تورکي ادبی تیل حاضرگی کونده اؤلیک تیل حسابلنگن لیگی و بوگونگی کونده اؤتیرگه یقین تورکي تیللر اوچون آنه تیل بؤلگن لیگی، شونینگدېک، اؤزبېک اتمه سی نینگ اؤزبېک خلقی و اؤزبېک تیلیگه قچان و قنده ی نسبت بېریلگن لیگی، تاریخی جهتن اؤزبېک تیلی و اؤزبېک خلقی قیسی ناملر اتلگن لیگی و اونینگ سببلری، همده اؤزبېک تیلی «تورک تیلی» نینگ لهجه یاکه شېوه سی اېمس، بلکه اؤن اوچینچی میلادی عصر نینگ ایگینچی یرمیدن باشلې مستقل تیل صفتیده شکللنه باشلگن لیگی و حاضرگی کونده اؤزبېکستان جمهوریتی نینگ رسمی دولت تیلی و اېلیک میلیونگه یقین اؤزبېک خلقی نینگ، دنیانینگ قی بیر بېریده یشه مه سین، ملی تیلی اېکن لیگی تاریخی یازمه یادگارلیکلر، اؤزبېک ادبی تیلی تاریخی، اؤزبېک تیلی نینگ تاریخی گرامری، اؤزبېک ادبیاتی تاریخی و تورکي تیللر نینگ قیاسی گرامری کبی ادبیاتلرگه اساسلنگن حالده اثباتلشگه حرکتی قیلیندی و کوتیلگن نتیجه گه اېریشیلدی.

کلیت سؤزلر: ادبی تیل، اؤزبېک تیلی، اېسکی اؤزبېک ادبی تیلی، تورکي تیللر، حاضرگی اؤزبېک ادبی تیلی، قدیمگی تورکي ادبی تیل.

The Status of Uzbek Language Within Turkic Languages

Noorullah ALTAY

Associate Prof. Department of Uzbek Language and Literature, Faculty of Social Science, Jawzjan University, Sheberghan, Afghanistan.

noorullah.alty@ju.edu.af - <https://orcid.org/0009-0008-8413-4247>

<https://doi.org/10.69892/jawzjanan.2024.44>

(Received: 15/04/2025 - Accepted: 11/05/2025)

Abstract

This paper critically investigated the recent dissemination of narratives among Afghan-Uzbek intellectuals across social media platforms, wherein assertions are either through misinterpretation or deliberately made that "We are not Uzbek, but Turk; our language is not Uzbek, but Turkish." Drawing upon a wide range of authoritative philological and historical sources. This study contends that such claims are fundamentally flawed from both theoretical and empirical standpoints. From a diachronic linguistic perspective, it is demonstrated that the Old Turkic literary language, once the common linguistic medium among early Turkic-speaking populations has long ceased to function as a living language and nearly thirty distinct Turkic languages have evolved as each exhibiting independent phonological, morphological, and syntactic systems. The research further substantiates that the Uzbek language is not a regional dialect or a sub-branch of another Turkic language rather, it has developed as an autonomous language since the second half of the 13th century. In contemporary times, Uzbek holds the status of the official state language of the Republic of Uzbekistan and is recognized as the national language of Uzbeks globally. The arguments presented herein are anchored in the analysis of historical written monuments, the diachronic development of the Uzbek literary language, historical Uzbek grammar, and comparative studies within Turkic linguistics. The findings reinforce the position of Uzbek as a distinct fully independent member of the Turkic language family.

Keywords: *Literary language, modern Uzbek literary language, Old Turkic literary language, Old Uzbek language, Turkic languages.*

كىرىش

سۈنگى چاغلاردا ايرىم علمى-مدنى يىغىنلاردا، شونىنگدېك، اجتماعى ترمالاردا اۋزبېك ياشلىرى آرەسىدە «بىز اۋزبېك اېمىمىز - توركىمىز، تىلىمىز اۋزبېك تىلى اېمىس، توركى تىلى دىر، دشمنلر تحقىرلش اوچون بىزنى اۋزبېك دېب اتشكن»، دېب اۋزبېكلىكدن بېزىب، توركىلكدن پناه اىزلىش و اۋزبېكلىكلرىدن خجالت حسىنى تويىش حاللىرى تېز-تېز كۈزگە چلىنەدىگن بۇلىپ قالدى. توغرى، بو سۈز تارىخى جەتدن حاضركى كوندە دىنانىنگ تورلى جغرافىي حدودلرىدە يشب كېلەياتكن ۳۰گە يقىن توركى خلكلرنىنگ عمومى نامى بۇلكن. بلكە بوندن مىنگ يىل آلدىن، حاضركى كوندە، هم فۇنېتىك، هم گرامماتىك، هم لېكسىك جەتدن بىر-بىرىدن فرق قىلووچى تورلى توركى تىللار نمايندەلرى يگانە تىلدە، حاضراۋلىك تىل حسابلىگن توركى تىلدە، سۈزلىشكنلر. لېكن بو كونگە كېلىپ، بىر-بىرىگە قىرىنداش بۇلكن بو خلكلرنىنگ تىللرىدە هم، مدنىتلىرىدە هم، عرف-عادتلىرىدە هم، حتا يوز توزىلىشلىرىدە هم كتە فرقلر وجودگە كېلگن. بونى تىل شناسلىك و توركى شناسلىك علملىرى هم تصدىقلەيدى. چونكە بىر ملت بۇلىش - تىل بىرلىگى، حدود بىرلىگى، اقتصادى بىرلىك و روحي بىرلىكنى طلب قىلدە. شوندەى اېكن، دىنا توركى خلكلىرىنى بىر تىل، بىر بىراق آستىگە يىغىش ناممكىنلىكنى ناممكىنى دىر. چونكە بوندن سىكيز يوز يىل مۇقۇم يىگانە تىلدە سۈزلىشكن توركى ملتى اوزاق تارىخى جريان نتيجهسىدە ۳۰گە يقىن كتە-كىچىك ملت-اېلتلرگە بۇلىنىپ كېتكن. حاضركى كوندە اېسە، توركى، اۋزبېك، قزاق، قىرغىز، توركىمن، آذر، تاتار، ياقوت، باشقىرد، چوواش، قارەچاى، آلتاى، خكس، قارەقلىاق، نۇغەى تىللىرى اورال-آلتاى تىللىرى عايلەسى نىنگ توركى تىللر گروھى تركىيىگە كىرەدىلر. بو خلكلرنىنگ تىلى، ادبىياتى، عرف-عادتى معلوم مدتگچە مشترك بۇلىپ، كېىنچەلىك، تدرىجى جريان محصولى صفتىدە اۋزى نىنگ مستقل تىلى، مستقل ادبىياتىگە اېگە بۇلگن خلكلر قىافەسىدە اۋز ترقىياتى يۇلىنى باسىپ كېلگن و كېلماقەدە.

الف) اۋزبېك تىلى اۋزبېك ملتى نىنگ ملي تىلى دىر

اۋزبېك تىلى و اۋزبېك خلقى نىنگ ناملىنىشى انچە مركب و مناظرەلى مسألە دىر، چونكە هر قندەى خلق اۋزى و اونىنگ تىلىگە بىرلىگن نامگە نسبتاً قديمىراق دىر. تارىخى نىنگ تورلى پاغانەسىدە تورلى نام بىلن اتلگن بۇلىشى ممكن. چنانچە، اۋزبېك خلقى و اونىنگ كېلىپ چىقىش تارىخى هم اونىنگ نامىگە نسبتاً قديم راققە بارىپ تەقلەدى. شونگە كۈرە اۋزبېك خلقى و اونىنگ تىلى «اۋزبېك» نامىنى آلكندن انچە آلدىن - ۱۳-مىلادى عصرىنىنگ ايكىنچى يرمىدن شكللنە باشلەگن. اۋزبېك ادبى تىلى اوزاق دوام اېتگن تدرىجى ترقىياتگە اېگە

(Abdurahmonov va Rustamov, 1982, p. 31). تیل شناس عالملر اۆزبېك ادبي تیلی نینگ

تاریخینی، بیزگچه یېتیب کېلگن یازمه یادگارلیکلرگه سویه نیب، اوچته کتّه دورگه بۆله دیلر:

۱. قدیمگی تورکي ادبي تیل؛

۲. اېسکی اۆزبېك ادبي تیلی؛

۳. حاضرگی اۆزبېك ادبي تیلی. (Tursunov va O‘rinboyev, 1982, p. 20)

قدیمگی تورکي ادبي تیل دوری ۵-۱۳ میلادی عصرلرنی اۆز ایچیگه آله دی. بو دورگه ۵-۱۳ عصرلرده یرە تیلگن اۆرخون-اېنه سایی یازمه یادگارلیکلری، محمود کاشغری نینگ «دېوان لغات الترك»، یوسف خاص حاجب نینگ «قوتدغو بیلیک»، احمد یوگنکی نینگ «هبة الحقایق» («عتبة الحقایق») کبی اثرلری و باشقەر کیره دی. شونی تأکیدلش ضرور که، بو دورده یرە تیلگن علمی و ادبي یادگارلیکلر برچه تورکي خلقلر اوچون عمومی حسابلنە دی. (Tursunov va O‘rinboyev, 1982, p. 25)

اېسکی اۆزبېك ادبي تیلی دوری ۱۳-میلادی عصر نینگ ۲-یرمیدن باشلنېب، ۱۹-میلادی عصر نینگ آخیریگچه دوام اېتگن زماننی اۆز ایچیگه آله دی. بو دورگه شو عصرلر ایچیده یرە تیلگن حافظ خوارزمي، «محبثنامه» مؤلفی خوارزمي، اميري، حيدر خوارزمي، سکاکي، لطفي، آتایی، امير علیشېر نوایی، ظهيرالدين محمد بابر، مشرب، مونس، مقیمی، آگهي، عوض اؤتر کبی شاعر و یازووچیلر نینگ اثرلری کیره دی. (Abdurahmonov va Rustamov, 1982, p. 30)

حاضرگی اۆزبېك ادبي تیلی دوری اېسه ۲۰-عصر باشیدن باشلنېب، حاضرگی کونگچه دوام اېتیب کېله یاتگن دورنی اۆز ایچیگه آله دی. دېمک، حاضرگی اۆزبېك ادبي تیلی بیر عصردن کۆپراق وقت ایچیده هر جهتدن تکامللشگن ادبي تیل صفتیده اۆز موجودیتیگه دوام اېتیب کېلماقده. بو یوز ییلدن کۆپراق زمان ایچیده اؤنلې شاعر و یازووچیلر اۆزلری نینگ قیمتلی اثرلری ییلن اۆزبېك ادبیاتینی جهان ادبیاتی کاروانی ییلن، سؤز نینگ حقیقی معناسیده، هم نوا قیلیب کېلماقده لر. شونینگدېک، حاضرگی کونده اۆزبېك تیلی اۆزبېكستان جمهوریتی نینگ دولت تیلی صفتیده تیک قامت ییلن برچه ساحه لرده عمل قیلیب کېلماقده. بیرلشگن ملتلر تشکیلاتی منبریدن ینگره ماقده. کۆپچیلیک ایلغار مملکتلر بیلم یورتلریده اۆزبېك تیلی و ادبیاتی بۆلیملری آچیلماقده.

بو شونی کۆرسته دی که، اۆزبېك تیلی و اۆزبېك خلقی اوزاق تاریخی دور ایچیده تدریجی ترقیات نتیجه سیده ۱۳-میلادی عصر نینگ اېکینچی یرمیگچه یگانه تیلده سؤزلشگن «تورک»

ملتىدن اۋسىب چىققن تارىخى حقيقت دىر. دېمك، اۋزبېك تىلى و اۋزبېك خلقى نىنگ شكىللىشىدە نە روسلار نىنگ، نە -دە باشقە بىر ملت نىنگ قولى بار، بلكە بو، اچىق بۇلسە -دە، تارىخ جبرى نىنگ محصولى دىر.

شوندەى اېكن، بوگونكى كوندە اۋزبېك تىلىنى مستقل تىل اېمس، تورك تىلى نىنگ شېۋەلەردىن بىرى دىر، دېيىش تارىخى حقيقتكە قرشى تورىش دېمك دىر.

«اۋزبېك» اتمەسى خلقىمىز و تىلىمىزگە نسبتاً مىلادى ۲۰ -عصر نىنگ باشلىرىدىن باشلەپ ايشلەتلىگن بۇلسە -دە؛ لطفى، اتايى، سكاكى، نوايى، بابىر، مشرب، آگهى كى شاعرلار اۋزلىرىنى اۋزبېك اېمس، تورك دېگن بۇلسەلەر -دە، اولرنى تورك ادبياتى تارىخى نمايندەسى دېب ايتە آلمەيمىز. چونكە اولر حاضرگى كوندە تورك نامى بىلن اتلووچى ملت ادبياتى تارىخىگە اېمس، اۋزبېك دېب اتلووچى ملت ادبياتى تارىخىگە كىرىتلىگن سىمالر دىر. بو شاعرلار اثرلىرىنى اۋزبېكلەردن باشقە برچە توركى خلقلار ترجمەدە اۋقىدىلەر. شونىنگدېك، اۋزبېكلەر هم باشقە توركى خلقلار ادبياتى تارىخىگە كىرىتلىگن سىمالر اثرلىرىنى ترجمەدە اۋقىدىلەر. دېمك، حاضرگى كوندە توركى خلقلار و توركى تىللار تورلى تارىخى سببلەرگە كۆرە هر بىرى مستقل ملت و مستقل تىل صفتىدە شكىللىنىپ بۇلگن. تىل شناسلىك تارىخىدە قىرىنداش بۇلگن، حتا بعضاً قىرىنداش بۇلمەگن كىچىك قىلە و ابلتلار تىللىرى تدرىجى يقىنلىشوو نتيجه سىدە اوزاق زهان محصولى صفتىدە يگانە تىلگە ايلنىش، ياكە عكسىنچە، كېنگ حدوددە يشاوچى يگانە تىل نمايندەلرى بىر -بىرىدن اوزاقلىشىپ، تورلى خلقلەرگە، تورلى تىللەرگە بۇلىنىپ كېتىش حادثەسى كۆپلەپ اوچرىدى. بونگە توركى تىللەردن تشقىرى، سلاويان و لاتىن تىللىرىنى مثال قىلىپ كۆرسىتىش ممكن. اولرنىنگ هر بىرى معلوم بىر دور اىچىدە اۋز سۆزلەۋچىلەرگە اېگە بۇلگن تىرىك تىل بۇلگن بۇلسەلەر -دە، حاضرگى كوندە بىر نېچە مستقل تىللار اوچون اساس بۇلگن اۋلىك تىل حسابلەندى.

ب) اۋزبېك ادبى تىلى نىنگ شېۋەلەرگە مناسبتى

اۋزبېك تىلى كۆپ لەجەلى تىل حسابلەندى. بو اونىنگ مركب تارىخى ترقىيات يۇلىنى باسىب اۋتگنلىگى، بوگونكى اۋزبېك ملتى اۋتمىشەدە خىلمە -خىل اېتنىك تركىبگە اېگە بۇلگنلىگى بىلن بېلگىلەندى.

اۋزبېك مىلى تىلىنى تشكىل اېتووچى تورلى شېۋەلەرنى اوچ لەجەگە بىرلشتىرىش ممكن. بولر:
(۱) قىرلوق -چىگىل -اويغور لەجەسى؛ (۲) قىپچاق لەجەسى؛ (۳) اۋغوز لەجەسى.

لهجه‌لر اؤز ارا فرقلی خصوصیتلرگه اېگه. بو فرقلر، ایتیلگنیدېک، لهجه‌لریننگ هر بیرى دستلب هر خیل قبيله یا که قبيله بیرلشمه‌لری نینگ تیلی بؤلگن لیگی بیلن باغلیق دیر. اؤزبېک ادبی تیلی نینگ ترقیاتیده اجره‌لش و بیرلشیش بیر وقتده یوز بېرگن. زېرا، ۱۴-عصرگه کېلب، اېسکی اؤزبېک تیلی نینگ باشقه تورکي تیللردن فرقلنیشی، اجره‌لشیشی کوچه‌یگن. بو اونینگ ایچکی لهجه‌لری نینگ بوتون حالگه کېله باشلشی، اولر آره‌سیده‌گی فرقلریننگ معلوم درجه‌ده سوسه‌یشیشی بیلن بېلگیلنه‌دی. بو تاریخی، اجتماعی-سیاسی جریانلر بیلن باغلیق حادثه دیر. اؤزبېک تیلی نینگ لهجه و شېوه‌لری اوزاق اؤتمیشده اؤزبېک خلقی نینگ تاریخی ترقیاتی بیلن باغلیق روشده اؤز ارا عمومیلک کسب ایتیب، یگانه اؤزبېک تیلینی تشکیل ایتیب بارگن. لېکن اولر اؤز مستقللیگینی تأمینلاوچی فرقلرنی سقلب قالدوېرگن. مثلاً، اؤزبېک تیلی نینگ قیپچاق لهجه‌سیده قیپچاق تیللری نینگ خصوصیتلریدن بؤلگن سینهارمونیزم تۇلیق سقلنگن. شو باعثدن اونینگ اونلی فونیملری مقداری ۹ ته. سؤز باشیده /ئ/ تاووشی اؤرنیده /ج/ تاووشی قۇللە نیلشیشی، /ف/ تاووشی نینگ دیرلی قۇللەنمس لیگی، /خ/ تاووشی نینگ /هـ/ طرزیده اېکنلیگی، سؤز اؤرتەسی و آخریده /غ/ تاووشی نینگ /و/ طرزیده تلفظ ایتیلشیشی، آلتیه کېلشیشیک شکلی نینگ تۇلیق سقلنگن لیگی و باشقه لېکسیک فرقلر (چېچه - ینگه، بۇله - خاله‌بچه)، تولوپ (جونلی ایسّیق پۇستین)، لاجیره، غلمیندی، کولچه‌تای، جنچمیچ (طعام تورلری) بو لهجه‌نینگ نسبی مستقللیگینی کؤرسته‌دی. بونده‌ی فرقلرنی قزلوق - چيگيل - اويغور و اؤغوز لهجه‌لریده هم کوزەتیش ممکن. عموماً آگنده، لهجه‌لر فۇنېتيك، مؤرفولوژيک و لېکسيک جهتدن اؤز ارا و ادبی تیلدن فرقلنېب توره‌دی. لېکن بونده‌ی اؤزینگه خاص تفاوتلرگه قره‌مه‌ی، اؤزبېک تیلی نینگ برچه شېوه و لهجه‌لری ارا عمومیلک استوارراق دیر. بو فرقلر اؤزبېک ادبی تیلینی باييتيشگه خدمت قيله‌دی. شو باعثدن هم شېوه و لهجه‌لرگه اؤزبېک ملي تیلی نینگ قویی شکلی و اؤزبېک ادبی تیلی نینگ ایچکی امکانيّتی صفتیده قره‌له‌دی همده اولردن اونوملی و عاقلانه فايده‌لنیش طلب قیلينه‌دی. ادبی تیل اېسه ملي تیل نینگ یوقاری کؤرینیشی صفتیده مذکور امکانيّت نینگ واقعیتگه ایلنگن محصولی دیر. (Sayfullayeva, 2005. p. 12)

اؤزبېک ملي تیلی نینگ لهجه‌لری آره‌سیده، عادتده، قزلوق - چيگيل - اويغور لهجه‌سی اؤزبېک ادبی تیلی نینگ تیه‌نچ منبعلری دېب قره‌له‌دی. بو لهجه‌گه تاشکېنت، اندیجان، فرغانه، نمگان، جیزه‌خ، سمرقند، بخارا، قرشی، اوش، مرغیلان، جلال‌آباد، ترمذ و باشقه شهرلریننگ شېوه‌لری کیره‌دی. بعضی عالمرلر اؤزبېک ادبی تیلی معیارلرینی بېلگیلشده تاشکېنت شېوه‌سی تاووش جهتدن، اندیجان، فرغانه شېوه‌لری صرفی جهتدن تیه‌نچ شېوه دېگن بیریاقلمه فکرنی

ايلگرى سوره ديلر. اصلينى آلكنده، ا.ك. بارافكوف قيد قىلىپ اۋتگنيدېك، اۋزبېك تېلى نىنگ بيرارته شېوه سىنى هم ادبي تىلگه همه جهتدن اساس بۇلگن دېب ايتىپ بۇلمەيدى. چونكه اۋزبېك تېلى نىنگ برچه لهجه لرى اۋزبېك تېلى نىنگ ترقياتىگه معلوم بير درجه ده حصه قۇشكن. بيرى نىنگ ادبي تىلگه تاثيرى كوچه يگنده، ايكنچىسى نىكى سوسه يگن بۇلىشى ممكن. مثلاً، اندىجان، فرغانه شېوه لريده اۋزبېك ادبي تىلگه خاص اېنگ كۆپ ترقلگن گرامري شكللردن بيرىنى - حاضرگى زمان فعلى نىنگ - يەپ ائىكىسى واسطه سىده يسه لووچى شكلينى بيرگن دېلەدى. لېكن بو شكل قىچاق لهجه لريده هم عىنا شونده ي قۇللەندى. بير قرەشده ادبي تىلدن بيرمونچه اوزاقراق دېب تصور قىلىنەدىگن قىچاق لهجه سى نىنگ مۇرفولوژىسى (اونده گى سينهارمونىزم قانونىنى نظردە توتەمە سك) ادبي تىل مۇرفولوژىسى بىلەن عىنا دىر. يا كه ادبي تىلگه فۇنېتىك جهتدن اساس دېلگن تاشكېنت شېوه سىده /خ/ و /هـ/ تاووشلرى، قرتقىچ و توشوم كېلىشىكلرى شكللرى فرقلمەيدى. قىچاق شېوه لريده اېسه اولر قطعي فرقلمەيدى. قىچاق شېوه لرى نىنگ ادبي تىل لغتىنى، خصوصاً، اونىنگ چارواچىلىك اتمە لرى تىزىمىنى رواجلنتىرىشده، ادبي تىل نىنگ اسلوبى امكانىتلىرىنى بايتىشده كتە حصە سى بار. مثلاً، قىرقىم، اۋتاو، تۇل، سىرماي، چكى، چلاپ، اولاق، ساولىق كى عمومى و چارواچىلىك اتمە لرى، قوبروق، باوور، آق پتير، تباق، كولچە تاى، لاچىره سىنگرى آشچىلىك اتمە لرى ادبي تىلگه قىچاق شېوه لريدن كىرىپ كېلگن. (Sayfullayeva, 2005. p. 13)

ادبي تىل نىنگ رواجلىشىگه اۋزبېك تېلى نىنگ اۋغوز لهجه سى هم معلوم درجه ده حصه قۇشكن. بونىنگ اوچون ادبي تىلدە گى ياشوللى، اۋغلان، بويان، قىدىن، قارە گۆز كى قطار سۆزلرنى مثال صفتىده كېلتىرىش كفايه. دېمك، اۋزبېك ادبي تىلى نىنگ ترقياتىده برچه لهجه و شېوه لر بيرده ي منبع بۇلىپ خدمت قىلگن. بونده اولرنىنگ بيرارته سىگه استوارلىك مقامىنى بېرىش ممكن اېمس. حاضرگى كونده اۋزبېكستان ده ادبي تىل و شېوه لر مناسبتى مسأله سىده اوزلوكسىز انتىگراسيون جريانى كېچە يىپ بارماقده. اۋزبېك خلقى نىنگ حياتى سوادى آشيب بارگنى، معيشى-تورموشى نىنگ توبدن اۋزگرگنلىگى، تعليم تىزىمى نىنگ يوقارى درجه ده ليگى، مطبوعات و تلويزيون نىنگ رواجلگن ليگى، مدنى ساحه ده عملگه آشىريلەياتگن تدبىرلر اۋزبېك ادبي تىلى و شېوه لرىنى بير-بيرىگه يقىنلاشتىرگن. خلق شېوه لريگه ادبي تىل تاثيرى نىنگ تدرىجى سىنگىب بارىشى دوام ايتىپ بارماقده. (Sayfullayeva, 2005. p. 14)

ج) اۆزبېك خلقى و اۆزبېك تىلى نىنگ ناملىشى

«اۆزبېك خلقى»، «اۆزبېك ملتى» نامىنى آلگن خلق جوده قديمى تارىخگه اېگه بؤلگىدېك، اونىنگ تىلى نىنگ ناملىشى هم تورلى دورلرده تورليچه بؤلگن. «اۆزبېك» دېگن نام نىنگ مذکور ملتگه و اونىنگ تىليگه نسبتاً قوللىشى اكتوبر تۇنترىشىدن كېين باشلدى. اونگچه اروپا تورك شناسلىرى اۆزبېكستان حدودىده يشاوپچى اۇتراق اھالىگه نسبتاً «سرت» سۆزىنى قوللەگنلر. «سرت» سۆزى نىنگ لغوي معناسى حلى منظرهلى دير. محمود كاشغرى اونی «سوداگر» معناسيده قوللنگن ليگىنى بىلدیرهدى (كاشغرى، ۱۳۸۳، ص. ۲۳۹).

«سرت» سۆزى هر حالده اېتنىك نام اېمس. بو نام شهر اھالىسىگه كۆچمنچىلر و صحرايىلر تامانىدن قۇيىلگن. شونىنگ اوچون نوایی و بابر سرت اتمه سىنى فارس-تاجىكلرگه نسبتاً قوللەگنلر. (Navoiy, 2000, p. 7). عموماً، ۱۶-عصوگچه اۇرتە آسيا شهرلىده يشاوپچى تاجىك اھالىسى سرت دېيىلگن. شىياني خان حاكميتىدن كېين بو يېرلردهگى اۇتراق توركى اھالى هم كۆچمنچى اۆزبېكلر تامانىدن سرت دېب يورتىلگنى معلوم.

شونىنگدېك، «اۆزبېك تىلى» تورلى تارىخى دورلرده - تورك تىلى، توركى تىل، توركچه، توركستانچه، چىغتاي لفظى، اۇرتە آسيا توركىسى كېي ناملىرىلن اته لىب كېلگن. محلي خلقلر حاضرگى كونده اۆزبېك دېب اته لىوچى خلقنى «تورك» و اونىنگ تىلىنى «توركى» دېب يوريتىگنلر. عىشېر نوایی نىنگ «محاکمة اللغتين» اثرىده اۆزبېك خلقىنى تورك و اونىنگ تىلىنى تورك تىلى دېب اته يدى: «بو سۆزلردىن خصم مونداق يىلمه سون و مدعى بو نوع گمان قىلمه سون كه، مېنىنگ طبعىم تورك لفظىغه ملايم توشگن اوچون تعريفده مبالغه اظهار قىلورمېن... بو غريب معنى اداسيده توركچهده بو مطلع بار...» (Navoiy, 2000, pp. 7-17).

«تورك» سۆزى محمود كاشغرى نىنگ «دېوان لغات الترك» اثرىده ياق كېنگ معناده توركى خلقلرگه نسبتاً و تار معناده شرقى توركلرگه نسبتاً قوللنگن. «اۆزبېك نامى اېسه حاضرگى اۆزبېك خلقى نىنگ بير قىسمىنى تشكىل اېتووچى قىپچاق اوروغىگه منسوب بؤلگن قىبله لرگه نسبتاً ايشله تىلگن.

تورك نامى اۇرتە آسيا، قزاقستان، قفقاز، والگا درياسى بۇيى خلقلىرگه نسبتاً هم قوللنگن ليگىدن، اۆزبېك تىلىنى اولردن فرقلش اوچون توركستانچه، چىغتايچه، اۇرتە آسيا توركچهسى دېب هم نامله گنلر.

شونى تاكىدلش كېرەك كە، چىغتاي اتمەسى مۇغوللار استىلاسىدن كېين پيدا بولگن. چىنگىزخان، وفاتىدن آلدىن راق باسىب آلگن اۋلكەلرنى اۋغىل و نىرەلرى اۋرتەسىدە تەقسىملەگن. شونەدە مركزي آسيا اۋرتىچە فرزندى چىغتاي گە بېرىلگن. چىغتاي خان حاكىمىتىگە قرەيدىگن يەرلەر «چىغتاي يورتى»، «چىغتاي اېلى»؛ اېلتلار اېسە «چىغتاي اولوسى»؛ بو حدوددە يەر تىلگن ادبى، تارىخىي اثرلەر دورلر اۋتېشى بىلن «چىغتاي ادبىياتى»، اونىنگ تىلى صنعي روشدە «چىغتاي تىلى» نامى بىلن يوريتىلەدىگن بولگن. دېمەك، چىغتاي اتمەسى حەكمدار نامى بىلن باغلانگن اتمە دىر.

عليشېر نوايى «مىزان الاوزان» اثرىدە «چىغتاي» سۆزىنى «تورک» سۆزى بىلن مترادف شەكلدە قۇللەيدى: «... عجم شعراسى و فرس فصحاسى هر قىسى اسلوبدە كىم سۆز عروسىغە جلوه و نەمايش بېرىب اېردىلر، تورک تىلى بىلە قلم سوردوم و هر نېچوك قاعدەدە كىم معنى اېكارىغە زىنت و آرايش كۆرگوزوب اېردىلر، چىغتاي لفظى بىلە رقم اوردوم. (Navoiy, 2000, p. 216)

بىراق «خزائن المعاني» دە «چىغتاي» سۆزىنى اوروغ و قىيىلە مەناسىدە ھەم كېلگن:

نوايى اۋىلە اولوس خانىغە اېرور عاشق،

كە تورک قوللرى جۇجى دور ائىنگ و چىغتاي. (Navoiy, 1991, p. 532)

اۋزبېك خەلقى نىنگ كېلىپ چىقىشى تارىخى، اونىنگ ناملىنىش تارىخى خصوصىدە س. پ. تالىستوف، ا. يو. يەكوبوفسكى، ى. غ. غلاموف، ل. و. اۋشانىن، م. و. ھابوف، ب. احمەدوف، اى. جباروف كېى عالملىرىنگ ھەر خىل طرزەدىكى تەدقىقاتلرى موجود. اۋزبېك اتمەسى گرچە «اۋزى-بېك» - اۋزىگە بېك، مستقىل بېگلىك كېى مەنالىرى بىلدىرگن سۆز دەپ يوريتىلە باشلەگن بولسە ھەم، قەدىم بو سۆز نىمەنى انگلتكىنى انىق اېمىس.

اۋزبېك سۆزى نىنگ كېلىپ چىقىشى و قۇللنىشى حەقەدە ھازىرچە اېنگ سۆنگى مەلومات پروفىسور خ. دانياروف مەقالەسىدە اېچە مەفصل بېرىلەدى. مەقالەدە بىز اوچون يىنگى فەكر مۇلف نىنگ اۋزبېك اتمەسى نىنگ ۱۱-عەسىدە ھەم ايشلەتلىگنى حەقەدەگى انىق مەنبەلەرگە سويىنىپ كېلتىرگن مەلاھظەسى دىر. شونىنگدېك، بو نام بىلن اتەلۇوچى قوملىرىنگ ھازىرگى اۋزبېكستان، مركزي آسيا و حتا عرب مەملىكتلىرى حدودىدە ھەم اېچە ايلگىرىدن بېرى يىشب كېلە ياتگن لىگىگە قويىدەگى مەثاللر جودە يارقىن دلىل بۇلە آلەدى. مەثالاً، ۱۱-عەسىدە سورىدەدە يىشەگن عرب تارىخچىسى اسامە ابن مەقذىنىنگ «كتاب الاعتبار» («عبرتلى كتاب») دېگن اثرىدە يازىلىشىچە، «اۋزبېك» قومىگە مەنسوب بولگن كىشىلر اۋشە وقتەدە ياق عربستاندە اېچە موقە اېگەلگنلر و اروپالىكلرنىنگ صلىب يورىشلرىدە مەسلەنلر تامانىدە تورىب جىنگ قىلگنلر.

نوابی اثرلریده اؤزبېك سۆزی اېتنیک نام معنا سیده بیر نېچه جایده کبله دی. اولر جمله سیدن «نسایم المحبت» ده حېي خواجه حقیده معلومات بېریب، قوییده گیلرنی یازده دی: «مولودی خوارزم ولایتی و نواحی سیدن دور. انینگ اوصافی تورک و اؤزبک خلایقی آره سیده اندین کؤپرک و مشهور راق دور که، شرحه احتیاجی بؤلمه غه ی. ییگیتلیکده اؤتوبدور، ییگیتلر سروری حېي خواجه دېرلر. (Navoiy, 2002, p. 202) یاکه میزان الاوزان اثریده قوییده گی سطرلرنی اؤقییمیز: «چونکه اؤزانلرینینگ اؤزماغی و اؤزبکلرینینگ بودی - بودایی هیچ وزن بیلره راست اېمس اېردی، انکه تعرض قیلیمه دی، اگرچه اثرلری باردور، اما انینگ عروض علمیه دخیل یؤقتور. (Navoiy, 2002, p. 63)

نوابی دن کبین ۱۶- عصرده باشلریده اؤزبېك خلقي و اونینگ تیلی اؤزبېك نامی بیلن هم یوریتیلگن. بونی محمد صالح نینگ «شیبانی نامه» سیدن کبلیریلگن قوییده گی بیتدن هم بیلش ممکن:

اؤزبېك اېلیگه معظم خان دور
حالی انینگ بېری تورکستان دور
(Solih, 1989, p. 152).

شیبانی خان دشت قیپچاق دن باستیریپ کیرگندن سؤنگ کؤچمنچیلر بیلن یېرلی قبیله لر اره لشیپ کته دیلر. شو طفیلی اؤزبېك دېگن نام کینچه لیک کینگ قولنه باشله گن. اؤزبېك خلقي و اونینگ تیلی قیسی نام بیلن اتمه سین، شو خلق نینگ بیردن - بیر علاقه واسطه سی بؤلیب کبلدی.

د) اؤزبېكلر - «تورک» اتمه سی نینگ یگانه وارثی

ییکیرمنچی عصر - باشلریده کیچیک آسیا حدودیده آتا تورک باشچیلیگده تورکیه جمهوریتی تأسیس ایتیلدی و اؤشنگچه عثمانلی تورکچه سی نامی بیلن یوریتیلیب کبلگن تیل «تورک تیلی» نامی بیلن ینگ تأسیس ایتیلگن تورکیه جمهوریتی نینگ رسمی دولت تیلی صفتیده قبول قیلندی. تورکیه جمهوریتی قالگن تورکی خلقلر بیلن کینگشمسدن «تورک» سؤزیه اېگه چیقمه گنده، بلکه تورک سؤزی اېنگ اولّا اؤزبېكلرگه میراث بؤلیب اؤتگن بؤلردی. تاریخی و حقوقي جهتن اؤزبېكلر بونگه حقلی اېدیله. چونکه حاضرگی کونده برچه تورکی خلقلر اوچون مشترک میراث حسابلنگن «دهوان لغات التورک»، «قوتدغو بیلگ»، «هبة الحقایق» کبی اثرلر تیلی حاضرگی اؤزبېك ادبی تیلی اساسلنگن قزلوق - چیگیل - اویغور، شونینگدېک، قسماً قیپچاق، اؤغیز لهجه بیرلیگی اساسیده یازیلگن. بونینگ یانیده، اؤن اوچینچی - اؤن تۆقیزینچی میلادی عصرلر آره سیده تورکی تیلده یره تیلگن اثرلرینینگ دېرلی برچه سی ینه اؤشه -

قرلوق - چىگىل - اويغور، قىسما، قىپچاق، اۋغىز لهجه لرى اساسىده شىكللنگن تىلده، يعنى اېسكى اۋزبېك تىلىده يازىلگن. چونكه بو تىل اكثريت توركي سىلاله لرده سىراى تىلى صفتىده قوللىنىلېپ كېلگن و شونىنگ اوچون اېسكى اۋزبېك تىلى «خاقانىي تىلى»، «خاقانى توركچە»، «چىغتاي تىلى» كىي ناملىرى بىلەن هم اتمەلىپ كېلگن. دېمەك، تورك دىياسى نىنگ حقيقى وارثى يىز اۋزبېكلرمىز. شونىنگ اوچون هم نوايى حقلى روشده:

اگر بىر قوم، گر يوز، يۇقسە مىنگ دور	معين تورك اولوسى خود مېنىنگ دور
آلبىمېن تحت فرمانىمده آسان	چېرىك چېكمەى ختادىن تا خراسان
خراسان دېمە كىم، شىراز و تبرىز	كه قىلمىش دور نى كلكىم شىكرىز
كۈنگۈل بېرمىش سۆزۈمگە تورك، جان هم	نى يالغوز تورك، بلكە توركمان هم
نى ملك ايچرە كه بىر فرمان يىباردىم	انىنگ ضبطينغە بىر دېوان يىباردىم

(نوايى، ۱۴۰۲، ص. ۴۴۴).

- دېب دعوا قىلەدى

در حقيقت، يىز اۋزبېكلر وارثى بۇلگن «خاقانىي توركچە سى» نى ياكە بوگونكى تەبىر بىلەن ايتىگندە، اېسكى اۋزبېك تىلىنى امير علىشېر نوايى «تورك تىلى» دېگن و حاضركى توركيە توركچە سىنى «روم تىلى»، «رومى تىل» ياكە «توركماني تىل» دېگن. نوايى اثرلىرىده «روم تىلى» اتمە سىنى بىر قنچە جايدە اوچرە تىش مەكن. چنانچە، حضوت نوايى «نسايم المحبت» اثرىده سعيد عمادالدين نسىمىي حقيده معلومات بېرر اېكن، قويدە گىلرنى يازەدى: «عراق و روم طرفىده غى ملكدين اېركندور. رومى و توركماني تىل بىلە نظم ايتىدور و نظمىده حقايق و معارف بغايت كۆپ مندرج دور. مذكور بۇلغان ملك اهلىغە انىنگ شەرى مقابله سىده همانا كه شعر يۇق دور. همانا تقليد اهلى انى مذهبىده قصور تهمتىغە متهم قىلىپ، شەيد قىلدىلر. مشهور مونداق دور كه، تېرىسىن سۆير حكم بۇلۇبدور. اول حالتده بو شعرنى دېدور كه،

نظم:

قبلة دور يوزونىك، نگارا، قاشلىرىنگ محرابلر	صورتىنگ - مصحف، ولې خال و خطىنگ - اعرابلر
--	---

و بو شعرىنگ تخلصى اوشبو مدعاه دال دور كىم

نظم:

اى، نسىمىي، چون مىسر - بۇلدى اقبال وصال	قۇي، تېرىنگى سۆيسەلر سۆيسون بو پلىد قصابلر
---	--

(Navoiy, 2001, p. 474).

بو سطرلر شونى كۆرستەدى كه، نوايى اۋشە زمان عثمانلى توركچە سىنى «تورك تىلى» اېمىس، «روم تىلى» ياكە «رومى توركچە» و حاضركى توركيە حدودىنى اېسە، «روم ملكى» دېگن. ايرىم

تأريخي منبعلرده جلال الدين محمد بلخي نينگ «رومي» دپيلىشى هم نوایی نينگ سعيد عمادالدين نسيمي نى «روم و عراق طرفيده غى ملكدين ابركندور» دېگىنى تصديقلەيدى. چونكه سعيد عمادالدين نسيمي عراق توركمنلريدن بۇلىب، كۇپراق عمرينى توركىه و سوريه ده اؤتكزگن.

يوقاريده ايتگنيميزدېك، ييگيرمنچى عصر- باشلريده يگانه مستقل توركي مملكت بۇلگن حاضرگى توركىه جمهوريتى باشقه توركي خلقلر بيلن حساب-كتاب قيلمىدن تورك نامىگه فقط اؤزى اېگه چيقتن. بو نرسه خلق ارا ميثاقلر اساسيده حجتلشتيريلگن. شونينگ اوچون هم حاضرگى كونده تورك دېگنده فقط توركىه مملكتى و طنداشى و تورك تىلى دېگنده فقط شو مملكت نينگ رسمي دولت تىلى توشونيله دى. بو بيلن قالگن توركي خلقلر تورك سؤزیدن محروم ايتيلگنلر. اگرچه «توركستان» سؤزى اؤرته آسيا، چين و افغانستان مملكتلريده «شمالي توركستان»، «شرقي توركستان» و «جنوبي توركستان» ناملرى بيلن حاضرگچه يشب كهله ياتگن بۇلسه-ده، بو جغرافي حدودده يشاؤچى خلقلر تىلى تورك تىلى ياكه اؤزلرى تورك خلقى دېب اتلمه يديلر. بلكه هر يىرى اؤز اېتنىك نامى بيلن - اؤزبېك، قزاق، توركمن، اويغور نامى بيلن اتله دى. شو سببلى انگليس و روس تيللريده برچه توركي خلقلرنى عموملاشتيرووچى «Turkic» و «тюркский» سؤزلرى پيدا بۇلگن. دېمك، بوگونگى كونده توركىه توركچه سى انگليس تيليده «Turkish language» و توركي تيللر «Turkic languages» اتمه لرى بيلن افاده لنه دى. روس تيليده اېسه توركىه توركچه سى «түрөкчө» و توركي تيللر «түрөкские языки» دپيله دى. شونينگدېك، اؤزبېك تيليده هم تورك تىلى دېگنده توركىه توركچه سى، توركي تيللر دېگنده اېسه آنه تورك تيلیدن اؤسب چيقتن برچه توركي تيللر توشونيله دى. شونينگ اوچون هم بوگونگى كونده «بىز اؤزبېك اېمسمىز - توركمىز، تيليمىز اؤزبېك تىلى اېمس - تورك تىلى دير» دعواسى توركي خلقلرنى بيرلشتيريشگه اېمس، ايريشگه خدمت قيليشى تورگن گپ.

سؤنگىچ

توركي تيللر ايچيده تورك تىلى اساس، قالگنلرى تورك تىلى لهجه لرى دپيدىگن دؤستلريمىزگه يېتّه سواليم بار: برچه توركي خلقلر اوچون اؤرتاق تيل قبول قيليش احتياجى توغىلسه، توركي تيللردن قيسى بيرينى اساس قىليب آلسه بۇله دى؟ تورك تيلينى اساس قىليب آلسه، قالگن توركي خلقلر: مېنينگ تيليم نينگ اوندن نيمه كمليگى بار، دېب اعتراض بيلديرمه يدى مى؟! اؤزبېك تيلينى اساس قىليب آلسه، قالگنلر عين سوالنى بيريشمه يدى مى؟ كؤره سىز مى؟! بىزنى سياست اېمس، تأريخ نينگ جبرى بونده ي بۇلىب تشله گن. هه، معجزه يوز بېرسه-يو، توركي خلقلر سياست و اقتصادده دنيا خۇجيينى بۇلىب قالسه، بلكه، اؤشنده ياشلريمىز نينگ اؤتۇپك

آرزولرى رۋيابگه چىقر - برچه توركى خلقلر بير تىل، بير ملت بۇلىپ، يگانه بيراق آستىگه بيرلشر. بو اېسه قىامت قايم بۇلگونگه قدر عملگه آشمه يديگن آرزو بۇلىپ قالدوېرەدى.

توركى خلقلرنى «يگانه تورك ملتى» غايەسى اطرافىگه يىغىشنى آرزو قىلىپ يورگن ياشلرئىمىز، افغانستانده اۋزبېكلرنى قىچاق، قارلوق، مۇغول، تاتار، ايماق، سادات كىي كىچىك - كىچىك گروھلرگه بۇلىپ تشلش حركىتى و سياستىدن خبرسىزلر شېكىلى. اولرگه مېنىنگ مصلحتىم - عملي تامانى بۇلمەگن اوتۇپىك آرزولر بىلن اۋزلىرىنى اۋرەمسدن، بوتون كوچ - غىرتلىرىنى اۋزبېكلرنى جىپسلشتىرىشگە، ملتىمىزنىنگ اوروغ و قىبلەلرگه پرچەلىپ كېتىشى نىنگ آلدىنى آلىشگە صرف قىلىشلىرى هم فرض، هم قرض دىر.

شوندەى اېكن، دىنانىنگ تورلى جغرافىي حدودلريده يشب كېلەياتگن توركى خلقلرنىنگ هر بيرىنى اۋز نامى بىلن مستقل تىل و مستقل خلق صفتيده تن آلىپ، دۋست، دۋغن و قرداش بۇلىپ يشەسك، هم علمي جھتدن، هم عملي نقطە نظردن اېنگ تۋغرىسى، اېنگ معقولى شو بۇلەدى. سىبيردن آمودريا قىرغاقلىرىگچە، آمودريا قىرغاقلىرىدن خزر دېنگىزى ساحللىرىگچە، خزر دېنگىزى ساحللىرىدن آق دېنگىز - و قاره دېنگىز ساحللىرىگچە بۇلگن كېنگ حدودده ازل - ازلدن يشب كېلەياتگن توركى خلقلرنىنگ قان قرداشلىگى ابدى بۇلسىن!

فايدهلىلگن ادبياتلر

كاشغرى، محمود. (۱۳۸۳). *ديوان لغات الترك*. مترجم: حسين محمدزاده صديق، تبريز: نشر اختر.
نوايى، عليشېر. (۱۴۰۲). *خمسه*. نشرگه تيارلاۋچى؛ لغت، آيت، حديث و عبارەلرنى شرحلاۋچى: تاشقىن بهايى، تهران: خراسان نشرىياتى.

- Abdurahmonov, G. '., va Rustamov, A. (1982). *Qadimgi turkiy til*. Toshkent: O'qituvchi.
Navoiy, A. (1991). *Mukammal asarlar to'plami (Favoidul-kibar)*. 6-jild. Toshkent: Fan.
Navoiy, A. (2000). *Mukammal asarlar to'plami (Mizon-ul avzon)*. 16-jild. Toshkent: Fan.
Navoiy, A. (2000). *Mukammal asarlar to'plami (Muhokamatul-lug'atayn)*. 16-jild. Toshkent: Fan.
Navoiy, A. (2001). *Mukammal Asarlar To'plami (Nasoyimul-muhabbat)*. 17-jild. Toshkent: Fan.
Sayfullayeva, R. (2005). *Hozirgi o'zbek tili*. Toshkent: O'MU.
Solih, M. (1989). *Shayboniynoma*. Toshkent: Adabiyot va san'at.
Tursunov, U., va O'rinboyev, B. (1982). *O'zbek adabiy tili tarixi*. Toshkent: O'qituvchi.